

AMPLISSI-
MIS, PRUDENTISSIMIS QUE
viris Consulibus, Iudicibus, totiq; Senatui Ci-
uitatis Torgæ Dominis suis pluri-
mum honorandis.

S. P. D.

Verissimus est Horatij versiculus,
dum ait,

*Qui studet optatam cursu contingere metam,
Multarulit, fecit puer, sudauit & alsit.*

Intellexit enim Poeta magno multoq;
labor e vel mediocrem saltem eruditionem cō-
parari. Quanta difficultate , quibus vigilijs
qualemcumq; hanc doctrinæ metam sim ade-
ptus, norunt , cum quibus multos nunc annos
vixi familiariter , viri doctissimi & celebres,
quorū plurimos nunc dira intempestiuā mors
abripuit. Cum autem propter negotia non
leuis momenti in patriam esset abeundum , e-
goq; testimonium quoddam & specimem vi-
tae, ac laborum in studijs exhiberem , oratio-
nes quasdam in Academijs publicè habitas
imprimen-

imprimendas curauit, quas viri Amplissimi,
vestris Dom: dedico, earumq; tutelæ com-
mitto, vt grati animi & memoris erga patri-
am quædam extaret significatio: omnia enim
me patriæ debere agnosco: atq; vtinam ea ac-
cidissent tempora, vt ad eius salutem, vtilita-
tem qualiacunq; sunt ingenij dona conferre
potuisssem. Rogo autem vestrarum Dom. exi-
guum clientuli vestri munus læta fronte susci-
piatis, & sic vobis persuadeatis, me nihil, quod
ad virtutem conferet, prætermisurum: omni-
bus & mentis & ingenij viribus conaturum,
vt patriæ honori decoriq; esse possim: si quoq;
intellexero, hoc opusculum fuisse gratum, o-
lim saluatore iuuante, maiora daturum. Be-

ne valeat V. D. ac me ea, qua solet, be-
nevolentia complectatur. Datæ

Viennæ Austriæ xv. Ca-

lend: Maij Anno

M. D. LX.

Vestrarum Dom:

Studioſiss:

M. Nathanael Basman-

nus Profess: Ordinarius,

ORAZ